

ՊԱՏՄԱ - ԲԱՆԱՍԻՐԱԿԱՆ

ՆԱԿԱՐ ԲՅՈՍԵՅԱՆ

Բանասիրական գիտությունների թեկնածու

ՆԵՔՏԱՌԻՈՍ Կ. ՊՈԼՍԵՅՈՒՄ. Ս. ՍՏԵՓԱՆՆՈՍ ՆԱԽԱՎԿԱՅԻՆ ՆՎԻՐՎԱԾ ՆԵՐՔՈՂԻ ՆԱՅԵՐԵՆ ԹԱՐԳՄԱՆՈՒԹՅՈՒՆԸ

Գրիգոր Աստվածաբանի հրաժարումից հետո, 381 թ., Նեքտաոնոսը ընտրվում է Կ. Պոլսի Պատրիարք, և այդ պաշտոնին մնում մինչև իր մահը՝ 397 թ.:

Ծնվել է Կիլիկիայի Տարսոն քաղաքում «յազնի տոհմի և հռչականուն առ ժամանակակիցսն առաքինի վարուքն և բարեմասնութեամբք»: Պատրիարքական Աթոռ բարձրանալիս տակավին մկրտված չէր, ինչը առաջ է բերում ժողովի մասնակից հայրերի լուրջ ընդդիմությունը: Սակայն տեղի տալով Թեոդոս կայսեր պնդումին, ընտրվում է:

Հույն Եկեղեցին Նեքտաոնոսին կարգել է սրբոց դասը: Հիշատակը կատարվում է հոկտեմբերի 11-ին:

Եկեղեցական մատենագրությանը նա հայտնի է Ս. Թեոդորոս վկայի տոմի առիթով գրած Ճառով¹, որն առկա է նաև հայերեն թարգմանությամբ²: Հայերեն թարգմանությամբ մեզ է հասել նաև Նեքտաոնոսի՝ Ստեփանոս Նախավկային ձոնված ներբողական խոսքը, որի հունարեն բնագիրն անհայտ է: Նեքտաոնոս Պատրիարքի այս երկը պարունակող մեզ հայտնի միակ ընդօրինակությունն առկա է ՄՄ թիվ 1522 ձեռագրում (թ. 504բ-508ա), ուր նրան կցված է Ստեփանոս Նախավկայի Աշխարհների առաջին գյուտի պատմությունը, որն սկսվում է «Բայց առ առեալ մեր զբանս ի պատմութիւն անդր մորա ձգեսցուք» բառերով (թ. 508ա-512ա):

Ըստ խորագրային տվյալի, այդ գյուտը տեղի է ունեցել Հովհաննես Երուսաղեմացու եպիսկոպոսության օրոք (386-417 թթ.): Ինչպես երևում է, այդ գյուտի առթիվ էլ Նեքտաոնոս Պատրիարքը շարադրել է Ներբողը: Փարիզի Ազգային մատենադարանի թիվ 45 ձեռագրում Գյուտի պատմությունն ունի հետևյալ խորագիրը. «Մասնաւոր ինչ ի գիւտ Աշխարացն Ստեփանոսի եւ որք ընդ նմա. Գամաղիէլ արեւմտիկն որ ի Գործս առաքելոցն բարիոր խրատեաց զհրէայն, եւ Նիկողիմոս, որ ի Քրիստոսէ ի գրոյ եւ ի Հոգւոյ ասաց զար-

¹ Migne, PG, t. 39, col. 1821-1840, Գ. Զարբհանայան, Մատենադարան հայկական թարգմանութեանց նախնեաց, Վենետիկ, 1889, էջ 632-633:

² «Սրբոյն Նեքտաոնա Կոստանդինուպոլսի եպիսկոպոսին, Յաղագս տաւնի սրբոյ եւ ճգնագգեաց վկային Թեոդորոսի, զոր յառաջնումն շարաթու Քառասնորդացն տաւնն ամենայն հաւատացեալք Քրիստոսի ի փառս ամենասուրբ Երրորդութեանն» (Հրատ. Ա. Յ. Սրճունի), «Էջմիածին», 1975, Ժ, էջ 24-26: Երկը հայտնի է նաև վրացերեն, արաբերեն թարգմանություններով. CPG 4300:

քայությունն ընդունել, Նեքտատիոսի ասացելով՝ «Երբեք ունի հետևյալ սկսվածքը. «Որպես ի Գործս առաքելոցն պատմի եւ ասի բան»³։

Հեմվելով խորագրային այս տեղեկության վրա՝ կարելի է հաստատել, որ Գյուտի պատմությունը ևս պատկանում է Նեքտատիոսի գրչին։ Ուստի և այն թիվ 1522 ձեռագրում՝ աներկայացվել է իբրև շարունակություն Ներբողի։ Վերջինիս սիրված, հանրաճանաչ լինելու մասին է վկայում այն իրողությունը, որ նրա մի շարք հատվածները ներառվել են Ստեփանոս Նախավկային մվիրված Աթանաս Ալեքսանդրացու, Հովհան Ոսկեբերանի, Եփրեմ Ասորու, Պրոկոլ Կ. Պոլսեցու համաբնույթ ճառերից կազմված մի խմբագիր ժառանգում⁴։

Նեքտատիոս Պատրիարքի Ներբողը հրապարակվում է Աշխարհների գյուտի պատմության հետ միասին՝ իբրև մեկ ամբողջական միավոր, ինչպես այն ընկալված և աներկայացված է թիվ 1522 ձեռագիր ժառանգությունում. *Ժամանակ՝ ԺԲ դ.։ Վայր՝ Հովհաննավանք (°)։ Գրիչ՝ Հովհաննես։ Ստացող՝ Ռուբեն քին։ Թերթ՝ 570։ Նյութ՝ թուղթ։ Մեծություն 52,5 x 33։ Գրություն երկայուն։ Գիր՝ բոլորգիր։ Տող՝ 37⁵։*

³ Գ. Զարբհանյան, *Աշխ.* էջ 633։ Այս մույմ խորագիրն ու սկսվածքն ունեն մաս Երուսաղեմի թթ. 145 (43ա-50ա), 609 (32բ-36բ) ձեռագրերը, Նորայր արքեպս. Պողարեան, Մայր Յուզակ Ձեռագրաց Սրբոց Յակոբեանց, հտ. Ա., Երուսաղեմ, 1966, էջ 411, հտ. Գ., Երուսաղեմ, 1968, էջ 6-7։

⁴ Տե՛ս ՄՄ ձեռ. 2273, թ. 234ա-250ա, Երուսաղեմ, ձեռ. 609, թ. 1ա-32բ։

⁵ Նկարագրությունն ըստ Յուզակ ձեռագրաց, հտ. Ա., էջ 573-574։